

玄覽堂叢書續集

第二十五冊

文苑全書續集 卷二十一

總督四鎮奏議卷之六目錄

請討馬價疏

討邊兵秋賞疏

地震疏

賊夷撲掠修工軍士查叅將領疏

遼鎮加餉謝恩疏

遼鎮虜賊屢次入犯官軍拒堵獲功疏

議撤防秋兵馬疏

申明遼鎮加餉疏



總督四鎮奏議卷之六

請討馬價疏

題為議處全鎮營馬以覈費甦軍裨益戰陣事臣
接管卷查先准兵部咨前事內開查得薊昌兩
鎮每年給發寺馬一千匹馬價銀一萬八千兩
內半收夷馬該銀九千兩每年預發宣鎮聽薊
昌兩鎮領馬半收土馬該銀九千兩發薊鎮軍
門交割等因又查得萬曆八年四月內准兵部
咨前事內開該鎮各營馬匹每年清查許令

請討不得過五百匹每匹銀一十二兩照數於馬價銀內支給等因萬曆十二年九月內准兵部咨前事內開延綏大同倒死馬價原係題

准事理合將議撤大同客兵馬價銀一千八百兩及延綏客兵馬價銀一千八百兩自萬曆十三年起以後俱發薊鎮永為定規等因萬曆十四年正月內准兵部咨前事內開於萬曆十五年為始太僕寺將額發薊鎮馬一千匹行令該州縣每匹照例徵銀三十兩解該寺交納每年止以

二萬四千兩運送薊鎮收買土馬即可得馬二千匹給軍騎操餘銀六千兩即解遼東在薊鎮可免夷馬之虛名在遼東可得馬價之接濟在太僕可免兌給之煩擾等因俱經題奉

欽依備咨欽遵在卷今行據密雲薊州永平等道兵備叅政等官郭四維等呈依蒙會同薊鎮總兵官署都督同知張臣查得薊鎮石塘等一十二路并密雲左等一十五營萬曆十三年秋季起至萬曆十四年夏季止共倒死并改賣及變賣

應補馬騾七千五百八十六匹頭除領過寺馬
九百匹夷馬六百七十五匹及兌領過各營騾
二百六十七頭外仍該買補馬騾五千七百四
十四匹頭各價不等應用帑銀并本鎮椿朋及
變賣馬價等銀六萬八千三百一十二兩所有
萬曆十四年秋季起至萬曆十五年夏季止該
補馬匹應以上年所倒之馬為準相應查照上
年事規并近議事理題

請給發等因又據昌平道兵備叅議于達真呈依蒙

會同昌鎮總兵官署都督僉事張邦奇查得橫
嶺等三路并標下左騎等四營萬曆十三年秋
季起至萬曆十四年夏季止共倒死并變賣馬
騾七百三十四匹頭除領過寺馬一百匹夷馬
七十五匹外仍該買補馬騾五百五十九匹頭
各價不等應用帑銀并本鎮樁朋及變賣馬價
等銀六千五百八十三兩所有萬曆十四年秋
季起至萬曆十五年夏季止該補馬匹呈乞查
照上年倒死馬數及近議事理題

續書四鎮奏議
卷之六
請以便補給等因各到臣除將上年領過寺馬用過
帑銀及領養軍士姓名另行造冊送部查考外
為照薊昌兩鎮馬匹先年倒死累軍賠買極為
苦累節經題奉

欽依每年給發寺馬并帑銀買補軍因少甦近又經
兵部題議將年例本色寺馬一千匹徵銀改給
折色得免夷馬虛名有濟疆場大計今查萬曆
十四年秋季起至萬曆十五年夏季止所應買
補之數既經薊昌各鎮道查明具呈前來合無

准照節年事規及近經題

准事理免發本色寺馬將馬價銀共該四萬二千六百兩給發前來臣分給各道收買土馬給軍騎
征相應題

請伏乞

勅下兵部查議覆請

定奪行臣遵奉施行緣係議處全鎮營馬以覈費甦
軍裨益戰陣事理未敢擅便為此具本專差鎮
撫朱堂親齎謹題請

旨

萬曆十四年九月初四日

討邊兵秋賞疏

題為遵照舊例乞

賜賞賚遠戍邊兵事據延綏入衛遊擊周鎮蕭如蘭
各呈稱本營官軍前來入衛各遠離家鄉防戍
勞苦呈乞查照舊例將應有秋賞早為題

請支給以慰遠兵等因又據大同遊擊王鎧宣府遊
擊馬林各呈稱該營官軍前來入衛即今秋防
之際晝夜防守呈乞照例給賜秋賞等因到臣
據此查查先該前任督撫官劉 等題為懇

乞

天恩俯容入衛兵馬番休以甦疲鎮事兵部議覆內
開將延綏入衛官軍分為兩班舊規犒賞銀七
錢再加三錢每名共一兩上下半年分為二次
支給等因題奉

欽依備咨欽遵在卷除以前年分節遵前例具

題給賞外今據前因為照延綏大同宣府入衛官
軍每季秋防例有賞賚既經各官具呈前來相

應題

請伏乞

勅下戶部查照該部題

准事理行臣轉行各營備查各官軍實在數目造冊

總計各營官軍銀兩各數目臣差官咨送該部

將延綏各營官軍每官一員照舊賞銀一兩二

錢每軍一名照依前例每半年賞銀五錢其宣

大二營每官一員賞銀九錢每軍一名賞銀六

錢照依各營數目一體給發聽臣轉發各兵備

道眼同將官唱名給散庶客兵蒙惠重鎮有賴

矣緣係遵照舊例乞

賜賞賚遠戍邊兵事理未敢擅便為此具本專差鎮撫朱堂親齎謹題請

旨

萬曆十四年九月初七日

地震疏

題為地震事准整飭薊州等處邊備兼巡撫順天
等府地方都察院右僉都御史蹇 會稿萬曆
十四年九月十六日據薊州道兵備副使朱衣
呈據三屯營守備邢謙呈據本營陰陽生王賓
呈稱本月初九日寅時地震響聲如雷自西北
起東南去訖等因具呈到職會稿到臣准此臣
會同整飭薊州等處邊備兼巡撫順天等府地
方都察院右僉都御史蹇 巡按直隸監察御

史韓國禎巡關監察御史傅光宅議照坤道主
靜動則失常惟茲三屯夙稱重鎮故聚兵列將
為

京東肘腋之區而朗月高秋正虜騎縱橫之候今
茲震響適於其時是皆臣等奉職無良致干

天譴抑或狡夷窺伺有日乃見先機除臣等痛自修
省及申飭邊腹將吏各嚴加戒備務保萬全以
慰

聖衷緣係地震事理為此具本專差鎮撫朱堂親齎